

## Filazana

---

Daty : 20 Mey 2014

Ho an'ireo : Manampahefana Ambony sy ireto  
mpitarika ivelan'i Etazonia sy Kanadà  
manaraka ireto; Fitopololahin'ny  
Vondrom-paritra; Filohan'ny Tsatòka sy  
Misiona ary Distrika; Eveka sy Filohan'ny Sampana

Avy amin'ny: Departemantan'ny Tantaram-pianakaviana sy ny  
Departemantan'ny Fonds Pérpetuel d'Etudes

Antony: Fizarana ireo Biraon'ny Ivon-toeran'ny Tantaram-pianakaviana  
amin'ireo Sampan-draharaha misahana ny Fikazan-tena

---

NY FIANGONAN' I  
**JESOA KRISTY**  
HO AN' NY OLOMASIN' NY  
ANDRO FARANY

Mba ahatratarana ny filàn'ny mpikambana mampiasa teknôlôjia izay tena mitombo tokoa sy ireo loharanom-pitaovana sady mifandraika amin'ny tantaram-pianakaviana no mifandraika amin'ny fizakan-tena dia hifampizarana amin'ireo Sampan-draharahan'ny Fizakan-tena an'ny Fonds Pérpetuel d'Etudes ny fitaovana sy toerana ao amin'ireo Ivon-toeran'ny Tantaram-pianakaviana sasany. Amin'ny alalan'ny fandaminana ny fandaharam-potoan'izy ireo, ireo Ivon-toeran'ny Tantaram-pianakaviana sy ny Fonds Pérpetuel d'Etudes dia samy (1) hanampy ny mpikambana sy ny hafa hahita ny fianakavian'izy ireo sy hanampy ny mpikambana handefa ny anaran'ny fianakaviany ho amin'ireo ôrdônansin'ny tempoly ary (2) hanampy ny mpikambana handray ireo fahafahana amin'ny fianarana, hahita asa, na ho tonga mpampiasa ny tenany.

Tokony handamina ny fampiasana ireo foibe ireo araka ireto torolalana hita ato ireto ny fiadidian'ny tsatòka. Ho fanampim-panazavana dia mifandraisa amin'ny vondrom-paritry ny tantaram-pianakaviana na ny talen'ny fizakan-tena.

# Torolalana amin'ny Fizarana ireo Biraon'ny Ivon-toeran'ny Tantaram-pianakaviana amin'ireo Sampan-draharaha misahana ny Fikazan-tena ao amin'ny Tsatòka

1 Mey 2014

NY FIANGONAN' I  
JESOA KRISTY  
HO AN' NY OLOMASIN' NY  
ANDRO FARANY

---

Ireto torolalana manaraka ireto dia ampiana amin'ireo fitsipika mifehy ny Ivon-toeran'ny Tantaram-pianakaviana izay efa napetraka tany aloha.

1. **Tanjona:** Ireo sampan-draharaha misahana ny tantaram-pianakaviana sy ny fizakan-tena dia samy hiara-hiasa amim-pilaminana mba hanatontosana ireo tanjona tsirairain'izy ireo.
2. **Andraikitra:** Ny talen'ny Ivon-toeran'ny Tantaram-pianakaviana, eo ambany fitarihan'ny fisoronana, no tompon'andraikitra voalohany amin'ny fampiasana ny foibe sy ny fitaovana ao anatin'izany, mifanaraka amin'ireo fitsipika mifehy ny Departemantan'ny Tantaram-pianakaviana. Tokony hiara-hiasa amin'ny tompon'andraikitra manokan'ny fizakan-tena eo anivon'ny tsatòka ny tale mba hahazoana antoka fa tratra ihany koa ny zavatra ilain'ny fizakan-tena.
3. **Fandaharam-potoana:** Ny talen'ny Ivon-toeran'ny Tantaram-pianakaviana sy ny tompon'andraikitra manokan'ny fizakan-tena eo anivon'ny tsatòka, miara-mifanoro-hevitra amin'ireo mpitarika ny fisoronana no hamaritra miaraka ny fandaharam-potoan'ny foibe. Raha ilaina dia azo atao ny mamaritra ora fiasana misaraka tsara ho an'ny sampana tsirairay, miaraka amin'ny tanjona hanamora hatrany ny fampiasan'ny mpitsidika ireo tanjon'ny tantaram-pianakaviana sy ny fizakan-tena.
4. **Mpiandraikitra:** Ny filankevitra avo voatendry hisahana ny tantaram-pianakaviana sy ny komitin'ny fizakan-tena eo amin'ny tsatòka no manao izay hanomezana olona miandraikitra araka izay ilain'ireo sampana roan'ny foibe. Ny talen'ny Ivon-toeran'ny Tantaram-pianakaviana sy ny tompon'andraikitra manokan'ny fizakan-tena eo anivon'ny tsatòka no handamina ny fandaharam-potoana sy ny fiofanana ho an'ireo mpiandraikitra. Eo amin'ny lafin-javatra sasany dia mety ho ilaina hifampizarana sy hampiofanina ny mpiandraikitra mba samy hahatratrarana ny zavatra ilain'ireo sampana roan'ny foibe ireo.
5. **Fizarana Biraosy Fitaovana:** Tsy haka ny toeran'ireo hetsika ataon'ny tantaram-pianakaviana ny sampan-draharaha misahana ny fizakan-tena fa hizara ny toerana sy ny fanaka ary ny fitaovana ananan'ny tantaram-pianakaviana. Raha ilaina dia tokony manao fangatahana birao na fitaovana vaovao amin'ny alalan'ny fampiasana ireo dingana fanaon'ny Ivon-toeran'ny Tantaram-pianakaviana. Ireo foibe dia hampiasa solosaina nahazoana lalana sy fitaovana hafa nomen'ny Departemantan'ny Tantaram-pianakaviana, miaraka amin'ny fankatoavan'ny fitantanana ny fitaovana sy ny tompon'andraikitra ny teknôlôjian'ny tsatòka. Ireo foibe dia hampiasa ihany koa ny logiciel sy ireo loharano hafa nahazoana lalana tamin'ireo Departemantan'ny Tantaram-pianakaviana sy ny Fonds Pépetuel d'Etudes. Tokony hanaraka ny fitsipika mifehy ao anatin'ny *Manuel 1: Présidents de Dieu et Evêques* (2010), 17.1.12 sy *Manuel 2: Administration dans l'Eglise* (2010), 21.1.22 ny fampiasana solosaina sy Internet ao amin'ireo foibe. Samy hifampizara mitovy ny adidy amin'ny fitandrovana ny birao sy ny fitaovana ny Ivon-toeran'ny Tantaram-pianakaviana sy ny sampan-draharaha misahana ny fizakan-tena.

6. **Fepetra miavaka (Foibe Maodely ho an'ny Fizakan-tena):** Hizara toerana amin' "ireo foibe maodely ho an'ny fizakan-tena" izay hisokatra mandritra ny 40 ora na mihoatra isan-kerinandro ny Ivon-toeran'ny Tantaram-pianakaviana sasany. Ireo foibe ireo dia mety mila toerana sy mpiandraikitra ary fitaovana mihoatra ho amin'ireo tanjon'ny fizakan-tena. Ny fitaovana fanampiny toy izany, izay atolotry ny Departemantan'ny Fonds Pérpetuel d'Etudes dia hokojakojaina sy hotantan'ny Departemantan'ny ICS ao amin'ny biraon'ny vondrom-paritra. Ny foibe toy izany dia mitady fifampidinihana tsy mitsaha-mitombo sy mety hitaky fanovana andraikitra sy fomba fiasa sasany.